

中國方志叢書·華北地方·第一九〇號

據

清：周章煥等纂修
清·乾隆十四年抄本

影印

河北省

南和縣志



成文出版社印行



10106140

中國方志叢書·華北地方·第一九〇號


據

清：周章煥等纂修
乾隆十四年抄本

影印

河北省

南和縣志



成文出版社印行



10106139

中華民國五十八年 月壹一版

南和縣志

全二冊

發行人：黃 成 助

出版者：成文出版社有限公司
台北郵政信箱二二六〇五號

台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

版權所有

內政部登記證內版台業字第一一四七號

南和縣志重修序

今

上御極之三年戊午春予承乏來尹和陽洎今已已十二
二載矣星輶始至首取邑志而披閱之見夫上下千
百年間風土人物隨時紀載炳炳麟麟稱盛於昔而
取舍不能無失是非猶俟論定更有殘闕疎漏亟須
增修以昭示來茲者心儀國久之第以民事多艱經
理不暇未遑能也考邑志舊本一見於有明宏治年
再見於萬厯年

國朝康熙六年十九年蓋兩修之距今七十年中

功令更新品物益增人文間出戶口愈滋暨水利河防是

倉設學凡沿革廢興民生休戚相關之故非留心世

務罕有能道其詳若遲之又久益難徵信不將與郭

公夏五同歸闕疑之列哉今歲仲春政事稍暇乃注

意修輯而楮墨未工不能無潤色之籍得非事綜古今

今義存風勵必待害去利興民安物阜乃可與一二

好學深思之士共成盛舉耶選拔張子麗農布衣呂

子石莊皆嗜古好修素稱博洽因延入署齋贊予不

逮取舊志之繁者汰之缺者補之失次者訂正之考
證得失折衷同異閱月書成為綱八為目五十有四

矣

我

國家久道化成禮明樂備下自省會郡邑大小匠工以及
薦紳耆庶類能貞志章教砥行礪節以自立於
聖明之世和雖小邑斯志具在當必有聞風繼起革薄從
忠興仁講讓居然德禮之化無復刑政之施此則予
所甚願於和之人士而未敢自必也夫是為序

乾隆十有四年歲次己巳建辰月穀旦

文林郎知南和縣事加一級錄四次記大功五次

蜀東梅軒周章煥撰

南和縣志重修序

邑大夫江澤梅軒周公有重修縣志之役猥以予與
石莊呂子泰末議焉志成公既已自為序而予亦得
附數言於簡次竊請凡邑之有志大概同也凡後人
所修之志即踵事前人所修之志亦大概同也獨和
今日之志若有不必其盡同者此則修志者之所謹
也何以言之夫河渠者利害所關城池者捍衛之藉
和而沼而沙而狼溝其為害者九
况向者恒雨徵咎溢水為災城覆於隍且厯有年所

焉是當思全渠石犀非人莫任李冰史起及今尚傳
先事綢繆追其未之陰雨願為保障寧無念此金湯
且也百里提封四境雞犬既無井疇可闢翻覺人滿
為憂而乃家非世祿怙侈成風民有恟心該逸作慝
和之嗽化奢麗非一朝一夕之故也其所由來者漸
矣是當思自上下下作法於儉自下上上革薄為忠
得毋有穆然畢然念夫子之策衛懷唐代之遺風者
序往昔礪山帶河分茅胙土王者展親錄功之盛典
也歷代爵封舊志胡以闕載須知玉改步移雖已餒

若教之鬼即念編殘簡斷永至缺郭公之疑有其志
之無敢忘也至於捐軀死事人臣之盛節繫焉舊志
失於大書特書則無為教忠矣試觀淮陰挽粟尚書
丁赤族之慘鵠嶺靡旗都尉罹塗肝之痛又况勇能
罵賊文學既血染鵲啼奮不顧身武弁亦尸裏馬革
是皆無忝毅魄所當弔其忠魂者矣凡若此者修志
者之所必謹或亦即覽志者之所注意者也惟是予
也少而失學莫解窮經老且倦勤何能披史謬承授
簡之及寧辭載筆之勞徒有愧於三長聊以效其一

得云爾事在乾隆屠維大荒落余月蓋予將赴任井
陞學博時也

邑人麗農張汝功撰

南和縣志叙

余奉

命觀察 畿南行部所至周咨治理惟欲與二三牧令
宣

上意達下情以期其裨

聖化之毫末已亡夏再至南和入其境繡塍綠野水渠
縱橫士知禮義農務耕耘熙熙然樂郊也憇行館邑
令周君來謁出其所撰邑志若干卷示余且曰願乞
一言以弁首讀之見其考據精確筆法高古而於河

渠水利戶口錢糧風俗物產有關於民生休戚者尤
諄諄三致意焉至其寓貶於褒詳畧得宜又良史才
也由此知君能以文章敷吏治又能以吏治覓文章
焉宜其為政也安靜而不矜其才故其為文也確實
而不腴其辭入其境民物恬熙風氣暢和是其宣
上意達下情以贊襄

聖德化者余實有厚幸焉異日政成奏最人豈止此一邑
之教化足稱耶昔漢光武詔南陽等郡採其風土民
物上之郡縣之志由此以始

聖天子臨軒問俗則予請拜手颺言以此書為獻

乾隆己巳仲秋

整飭順大廣兵備副使三晉張體中嵩農甫謨

百禾果

卷八

南和縣志重修序

己巳春邑侯江津周公重修縣志公既丹黃而甲乙之以麗農張子與余為覓續閱月書成因得附數言於簡末和之志自康熙六年十九年兩修之後迄今七十餘年天運行於上人事遷於下周年變而歲不同也如澧河之名謂互異狼溝沙渚之經流非舊必溯其源而考其委建置之興廢以時城署學校之增修因人必紀其實而書其年

先聖之封五代 闕帝之祭三代先農設壇忠節建祠

則秩祀攸闕

聖朝曠典也攤丁於糧徭役悉省物產蕃育風俗朴淳
則恤下實政沐化孔渥也職官選舉日盛而月增人
物文章表今而著茲就此不忘久且懼湮忘之乖可
緩哉其舊志所載或采輯遺佚或考核失真則補而
正之非敢競美前人要歸於紀實而已至各目之下
系以論斷小語總期補偏救敝以成一邑久遠之謀
不敢誇多閎靡徒騁虛辭也若夫旨寓激勸意存規
戒則因事記實邑侯之特正無阿余二人矢公矢慎